

新疆大記補編卷九上

江寧吳廷燮撰

郡縣建置始末附軍制

新省郡縣建置始末

乾隆二十四年新疆既定即有置郡縣之議於是增置甘肅總督駐肅州管巡撫事實為恢廓甘域之計先移安西道于哈密設巴里坤同知哈密通判二十五年設烏魯木齊同知通判是年甘督楊應璩遂上奏設伊犁阿克蘇葉爾奇木兵備道三員並開陝甘酌裁官員名單以議裁者移之新疆而廷議難之十二月復改甘肅總督為陝甘總督有新闢各處均有大臣駐紮無須更設道員之諭二十九年令回駐蘭州三十八年改安西道為分巡鎮迪屯田糧務道移駐鎮西府四十一年移駐迪化州乾隆三十八年

始置鎮西府于巴里坤附置宜禾縣改奇臺通判為奇臺縣屬之改烏魯木齊同知為迪化直隸州寧邊通判為昌吉縣四十二年改特納格爾縣

新疆大記補編卷九上 郡縣建置一

丞為阜康縣四十四年改綏來堡縣丞為綏來縣屬之二十六年設闕展同知四十四年移吐魯番統鎮西府安西州迪化州哈密闢展兩廳於是烏魯木齊近地置郡縣略具時庫爾喀喇烏蘇曾設同知後改糧員伊犁置有理事同知撫民同知各一塔爾巴哈臺有糧餉通判一然皆將軍參贊大臣所轄非行省之制也道光八年再定回疆將軍長齡等議善後十年十月復請設喀什噶爾葉爾羌巴爾楚克三糧餉同知及巡檢等已准行矣時又有以新疆成省將累內地之說進者于是停增同知巡檢之議墨守舊制如故咸豐五年以裁節經費改鎮西府知府為鎮西直隸廳同知省宜禾縣入之同治三年新疆大亂南北路各城先後淪陷巴里坤僅存烏垣伊垣駐防殲焉光緒元年命大學士陝甘總督左宗棠督新疆軍務至三年諸城胥復全疆三定六年左宗棠覆上新疆宜設郡縣之奏請以總督駐烏魯木齊巡撫駐阿克蘇置道五鎮迪

如舊一伊犁一廣安一阿府五直隸州四直隸廳

同知亦四

哈密尉頭

縣十七

迪化阜康昌吉綏來宜禾皆舊縣

圖壁濟木

薩關展温宿尹河拜城鳩茲沙雅疏附莎車

庫勒于闐皆新擬按伊犁阿克蘇本場應琚議置道之地葉爾奇木即葉爾羌西四城應置一道楊曰葉爾奇木左曰喀什噶爾皆回庭也圖壁今

呼圖壁縣

濟木薩今平遠縣拜城沙雅疏附于闐後皆為

縣阿瓦提庫爾勒民國十九年亦置縣惟伊塔左議殊略

旨以伊犁未歸

緩之七年俄還伊犁八年欽差大臣督辦新疆軍務通政使劉錦棠會陝

甘總督譚鍾麟奏設南路郡縣于回疆東四城設巡道一駐阿克蘇西四

城設巡道一駐喀什噶爾

查卡倫阿克蘇道無管理通商事宜

水利屯墾錢糧諸務彈壓布魯特撫馭外夷稽

夷十字有撫馭蒙部四字餘同喀什噶爾

于喀喇沙爾庫車烏什三城

各設直隸廳同知一阿克蘇設温宿直隸州知州一置拜城縣屬之皆隸

阿克蘇道于喀什噶爾葉爾羌和闐各設直隸州知州一曰疏勒州以疏

附縣屬之曰莎車州以葉城縣屬之曰和闐州以于闐縣屬之英吉沙爾

置撫彝直隸廳同知一以瑪喇巴什為回疆東西要地置直隸廳水利撫

民通判治之

巴爾楚克

皆隸喀什噶爾道是年十一月吏戶諸部議行錦

棠又專奏請設甘肅巡撫駐烏魯木齊管轄哈密以西南路各道廳州縣

並設甘肅關外布政使隨巡撫駐紮部議緩之十年戶部復請飭錦棠議

新疆餉需善後一切錦棠請定餉數定兵數一事權十月朔戶部等議覆

上諭曰新疆底定有年綏邊輯民事關重大現在更定官制將南北兩路

辦事大臣等缺裁撤自應另設地方大員以資統轄照所議添設甘肅新

疆巡撫布政使各一員其應裁之辦事幫辦領隊參贊各大臣及烏魯木

齊都統等缺除未經簡放有人外所有實缺及署任各員俟新疆巡撫布

政使到任後再行交卸候旨簡用初二日以劉錦棠為甘肅新疆巡撫仍

以欽差大臣督辦新疆事宜魏光燾為甘肅新疆布政使十一月劉錦棠

奏設南疆佐雜等缺移葉城縣治于哈哈里克于闐縣于克里雅十一年

錦棠進駐烏垣請加鎮迪道按察使銜管理全疆刑名驛傳事務八月癸

未錦棠奏請升迪化直隸州為迪化府設知府一員增置迪化縣附郭與

新疆大記補編卷九上

郡縣建置一

二

原屬州之昌吉綏來阜康奇臺隸之九月改庫爾喀喇烏蘇糧員爲撫民

直隸同知兼理事銜

管理地方戶籍田賦刑案兼管土爾扈特游牧事宜

十二年奏准設新疆撫標

中軍參將各員缺兵六千四百四名每營旗以副參游都守作營旗官而量設千把總爲哨長經制外委爲巡查十三年三月奏升伊犁廳爲府裁撫民同知設知府治綏定城附府爲綏定縣以惠遠廣仁瞻德拱宸塔勒奇五城隸之設寧遠縣治寧遠城以惠寧熙春隸之設伊塔道一員駐寧遠城霍爾果斯緊連俄界設分防通判加理事銜管旗務並交涉精河爲伊塔適中之地設直隸廳撫民同知改塔爾巴哈臺糧餉通判爲直隸廳撫民同知均隸伊塔道十四年六月兵部等部議准設喀什噶爾提標兵六千三百九十七名阿克蘇鎮標兵四千五百三十三名及改設巴里坤鎮標兵三千五百一十七名並各標路營官缺十六年設伊犁軍標各員缺兵一千六十九名十七年五月設伊犁鎮標各員缺兵三千三十九名

九月設塔爾巴哈臺協標各員缺兵一千七十八名二十四年改喀喇沙爾同知爲焉耆府知府于孔雀河北喀喇工設新平縣二十八年改溫宿疏勒莎車三直隸州爲府分疏附之愛罕里克等莊置縣曰伽師改瑪喇巴什廳爲巴楚州與疏附同隸疏勒府分葉城之一肯蘇等莊置縣曰澤普莎車西南七百四十里之色勒庫爾置蒲犁分防通判與葉城同隸莎車府分和闐直隸州之洛浦莊爲縣仍歸州轄分溫宿舊城巡檢司爲縣與拜城同隸溫宿府分焉耆府之布告爾巡檢爲縣曰輪臺分新平之卡里克分防縣丞爲縣曰婁羌與新平同隸焉耆府升庫車直隸廳爲直隸州分所屬沙雅爾地方爲沙雅縣隸之改阜康分防濟木薩縣丞爲縣曰孚遠仍隸迪化府分吐魯番直隸廳之闕展巡檢爲鄯善縣仍歸廳轄二十九年巡撫潘效蘇奏移設澤普縣于葉城之咽瑪地方改縣名曰皮山改巴楚州仍隸莎車府民國元年改伊犁將軍爲鎮邊使二年裁迪化

伊犁二府凡原有府廳州縣一律爲縣改與各省同名之寧遠縣曰伊寧  
新平縣曰尉犁定置道四曰迪化曰伊犁曰阿克蘇曰喀什噶爾裁阿克  
蘇鎮總兵改中營參將爲阿克蘇協副將舊設烏什協副將等統歸新疆  
都督直接管轄十一月裁巴里坤鎮總兵改游擊爲巴里坤協副將三年  
改伊犁鎮邊使爲鎮守使四月于婁羌之卡牆地方設縣曰且末隸阿克  
蘇道五月改霍爾果斯通判爲縣隸伊犁道十一月分綏來之沙灣小拐  
等地方爲縣曰沙灣五年裁塔城參贊改設塔城道以塔城烏蘇沙灣隸  
之六年十一月升呼圖壁縣佐爲縣隸迪化道七年六月分塔城縣之額  
敏爾河地方爲縣曰額敏隸塔城道八年三月分和闐縣之西北哈拉哈  
什地方爲縣曰墨玉隸喀什噶爾道八年裁阿爾泰辦事長官以原有區  
域歸併新省設阿山道置布爾津縣布倫托縣佐隸之民國十一年全國  
行政區畫表八年

六月改置阿山道定爲邊要缺仍駐承化寺以辦事長官原轄布爾津  
河哈巴河布倫托海吉木乃等設治局暨烏梁海等各翼區域爲區域九

四

年一月以精河屬博羅塔拉舊察哈爾營地方析置一縣曰博樂縣隸伊  
犁道四月析置焉耆和闐兩道焉耆道治焉耆縣分阿克蘇道之焉耆輪  
臺尉犁婁羌且末五縣迪化道之吐魯番鄯善二縣隸之和闐道治和闐  
縣分喀什噶爾道之和闐于闐墨玉洛浦皮山葉城六縣隸之十一月改  
設布爾根河縣佐隸阿山道十年三月以阿山屬耳里匱地方爲設治局  
十一月置縣三曰澤普析葉城之坡  
斯坎地方置隸喀什噶爾道曰承化以承化寺  
地方置曰  
布倫托以布倫托海  
縣佐改置縣佐一曰哈巴河以哈巴河  
治局改置並隸阿山道十一年  
六月置阿山道屬察罕果勒縣佐在道治  
東南析巴楚地置縣曰麥蓋提隸喀  
什噶爾道統計新省至是年有道八迪化伊犁塔城焉耆阿克  
蘇喀什噶爾和闐阿山縣四十五  
縣佐三設治局一而縣佐之附麗于縣者則有阿克蘇之柯坪以舊柯坪  
縣丞地置  
四年阿瓦提以縣屬阿瓦提莊  
置十一年六月沙灣之和什托羅蓋四年十二月以距沙  
灣四站之和什托羅  
蓋焉耆之庫爾勒西通輪臺南接尉  
犁六年六月置奇臺之木壘河六年六月置鄯善之七角

井七年二月于闐之策勒于闐治西二百四十里八年四月置吐魯番之托克遜治西百二里十九年

置九月 疏附之烏魯恰克提疏附治西六百里迪化之乾德城以縣北八十里之三道壩

置十年 庫車之托克蘇縣西八十里托克蘇新省于縣佐謂之分縣今以

有所屬不別著凡原奏原呈之可考者咸錄之此自有清以來新疆郡縣建置之大概也

按新疆軍制自光緒十二年後巡撫劉錦棠等會同陝甘總督譚鍾麟等迭次奏定南北兩路共有兵三萬一千人三十年潘效蘇以欠餉過鉅奉准裁兵三十三年改設巡防隊設中路撫標步隊七營馬隊六營前路喀什噶爾提標步隊六營馬隊七營左路阿克蘇鎮標步隊五營馬隊六營右路伊犁鎮標步隊四營馬隊五營後路巴里坤鎮標步隊三營馬隊四營共已設官弁兵夫八千七百八十人而提鎮以下官缺均如舊尋又練陸軍共有步隊一協馬隊兩營礮隊一營工程隊一隊

截至民國八年新疆軍隊有省城一混成旅衛隊五營疏勒一混成團伊犁一步兵團一騎兵團一礮兵營此外巡防隊二十五營新軍七營警備隊二營蒙古軍隊四營三連共一旅四團四十四營七連約二萬人此新省軍制之大概也

按龔氏自珍西域置行省議府州之目十有四今皆置縣惟無伊西計自所擬府州及鎮西迪化原有之縣外應置縣者尙有三十三處今已置縣者博羅塔拉精河吐魯番沙雅爾拜城巴爾楚克皮什雅玉隴哈什英噶薩爾共九處而龔議所無如尉犁輪臺塔羌伽師洛浦蒲犁且末霍爾果斯額敏沙灣呼圖壁澤普麥蓋提十三縣則皆新置而龔議擬置伊西府四縣第一無地名但言附郭皇輿西域圖志伊犁西路首和爾郭斯或即指其地此外三縣曰庫爾圖西域圖志在伊犁郭勒南二十里古爾班阿里瑪圖東二十里曰古爾班薩里在古爾班呼蘇臺西二十里曰烘郭爾

鄂籠在圖斯庫勒南岸阿克賽西二十里圖志並言自阿爾沙圖至此東西四百里之間水草豐饒地宜游牧云云按今皆爲俄七河省地使道光中如龔議置郡縣則伊西諸地皆有社稷人民庚申之約自不致輕于割讓而後人猶有訾毀龔議者良可慨已

新疆將軍都統參贊各大臣置廢始末

按乾隆二十四年設喀什噶爾參贊大臣哈密辦事大臣闡展辦事大臣喀喇沙爾辦事大臣庫車辦事大臣阿克蘇辦事大臣烏什辦事大臣葉爾羌辦事大臣各一和闐辦事大臣兼領隊二喀什噶爾哈密葉爾羌協辦大臣各一二十五年設伊犁參贊大臣一二十六年二月設伊犁鎮總兵二十七年九月設總統伊犁等處將軍轄天山南北路各新疆地方駐防兵遣調事務以明瑞爲之移甘肅安西鎮總兵駐巴里坤設烏魯木齊提督二十年十二月設塔爾巴哈臺參贊大臣二十九年八月設伊犁索

倫錫伯察哈爾四營領隊大臣各一塔爾巴哈臺領隊大臣二三十年八月命烏什設協辦大臣兼轄阿克蘇十月移阿克蘇官兵駐烏什移喀什噶爾參贊大臣于烏什鑄總理各回城事務參贊大臣關防改設喀什噶爾辦事大臣三十四年設伊犁惠寧城領隊大臣三十七年設巴里坤及庫爾喀喇烏蘇領隊大臣各一三十八年五月改烏魯木齊參贊大臣爲都統並設烏魯木齊領隊大臣四十一年八月定哈密以西各協營歸烏魯木齊提督轄四十四年四月改闡展辦事大臣爲領隊大臣移駐吐魯番五十一年十二月命烏什參贊大臣回駐喀什噶爾改設烏什辦事大臣嘉慶二年復設阿克蘇辦事大臣道光八年再定回疆十一年十月長齡等上善後移喀什噶爾參贊大臣于葉爾羌加提督銜改設喀什噶爾領隊大臣和闐辦事大臣移和闐領隊大臣一員于葉爾羌協辦該城事務並設喀什噶爾巴爾楚克換防總兵十四年二月改巴爾楚克換防總

兵爲副將咸豐八年七月改喀什噶爾領隊大臣爲辦事大臣光緒十年十月盡裁各城都統參贊領隊大臣十三年定伊犁將軍爲駐防將軍改設副都統二員以一員駐塔爾巴哈臺接辦參贊大臣事務以一員駐伊犁裁塔城滿洲領隊大臣留額魯特領隊大臣而伊犁之索倫錫伯察哈爾額魯特領隊大臣仍如故十四年改烏魯木齊提督爲喀什噶爾提督民國元年伊犁將軍更名鎮邊使塔爾巴哈臺參贊大臣更名參贊三年伊犁各領隊大臣均廢五年裁塔城參贊改道尹而自乾隆以來所設之將軍參贊等于此盡矣

### 阿山建置述略

按今阿山道本清科布多屬之新土爾扈特二旗新和碩特一旗阿爾泰烏梁海七旗而創議建置別爲區域則萌于同治六年之設布倫托海辦事大臣時新疆亂熾烏魯木齊伊犁諸城淪陷迪化一帶難民多北避于

布倫托海附近舊土爾扈特諸部及伊塔之索倫額魯特亦東趨阿爾泰山李雲麟時以署塔爾巴哈臺參贊大臣查辦安置額魯特諸務喇嘛棍噶札拉參率所部營青格里河能戰守李雲麟因倡裁塔城參贊大臣置布倫托海辦事大臣之議烏里雅蘇臺將軍麟興等亦會疏請行廷議聽之是年十一月甲子遂設布倫托海辦事大臣即以李雲麟任之令兼理塔爾巴哈臺事務仍調科布多幫辦大臣明瑤爲布倫托海幫辦大臣諭在布倫托海適中之地建署治事督率棍噶札拉參實心經理所籌事宜分定各旗游牧裁撤塔城官員乃李雲麟不能撫輯其衆七年四月布倫托海兵民遂傳李雲麟有洗滅兵民之意難民張懋等鼓倡變亂李雲麟倉猝避之青格里河五月丁亥明瑤奏入諭飭李雲麟迅回所任明瑤棍噶札拉參解散附從捕治首要六月乙亥以麟興等奏李雲麟辦理不善棍噶札拉參帶兵進擣諭罷李雲麟交福濟等查辦以明瑤代爲布倫托

海辦事大臣九月癸未復調明瑤原任以福濟爲布倫托海辦事大臣戊子諭錫綸棍噶札拉參督兵進擊八年八月庚申棍噶札拉參奏克復布倫托海招撫安置難民賊首張敖張懋正法九月戊戌以榮全福濟奏諭以僧衆賜棍噶札拉參爲徒居阿爾泰山南俗衆居青格里河十一月以福濟等奏裁布倫托海辦事大臣胥仍舊制尋賜寺額曰承化自是棍噶札拉參留居阿山南者十餘年頗著威信所謂承化寺漢民莊皆由之創立光緒六年左庶子張之洞論俄約從違利害疏云左宗棠金順聯絡棍噶札拉參遏其歸路彼將蹄輪不返者即其人八年俄還伊犁約成重畫科布多界齋桑淖爾東南地復有割讓哈薩克柯勒依等部內徙阿山而阿爾泰附近哈巴河等地久爲塔城借佔十五年移棍噶札拉參胡圖克圖游牧于新疆十六年塔城遂有請割棍噶札拉參借地歸塔之奏科布多參贊大臣沙克都林札布等抗疏力爭以同治八年光緒九年兩次被

俄人將本屬腴壤大半割去中間一段牧地若再剝割塔城是蒙古無謀生之地廷旨令科塔兩城大吏將界務安插事宜和衷商酌十八年五月塔爾巴哈臺參贊大臣額爾慶額抵承化寺會晤沙克都林札布輟塔城割地之議惟以塔城兩次分界舊日膏腴半歸俄屬若科城收還借地塔城蒙哈勢必流離會疏請展限三年俟收回巴魯克山將哈巴河一帶地方次地騰清交還科城管轄洎二十年俄歸巴魯克山借地科城復屢奏促塔城交還其後交還議定科城參贊大臣瑞洵等復請開辦布倫托海等處屯田置科城沙紮蓋臺至承化寺之十三臺站伊犁將軍長庚特疏阿爾泰山宜設官經理曰固疆域修守備重巡防纍纍萬言指陳詳切二十九年□月移科布多幫辦大臣駐阿爾泰仍名曰科布多辦事大臣以錫恆任之暫治承化寺三十二年陸軍諸部議定劃科布多阿爾泰疆界以科布多屬之新土爾扈特二旗新和碩特一旗阿爾泰烏梁海七旗爲



阿爾泰轄境民國元年改爲阿爾泰辦事長官八年以長官張慶桐不善經理致變裁辦事長官改隸新疆爲阿山道使非長將軍之請專置大員則辛亥庫倫之變新土爾扈特等旗必隨庫烏科諸部以去安得仍爲我境此阿山建置之大概也